

# Khris' Suangphum

CHURCH  
of CHRIST  
NEW DELHI

Suangphum lepkhitsa loungal suangphum dang kuamah in a lem theita kei, huai suangphum Jesu Khrist ahi - 1 Kor. 3:11

Vol. XX. No. 40

PRIVATE CIRCULATION

October 23, 2022

## Report - THREE DAYS BIBLE CLASS & YOUTH EVANGELISM WORKSHOP PROGRAM

-Jamson -

**D**elhi a Khris Saptuam leh Phuaizang a Khris Saptuam in pangkhawm a asai uh **Three Days Bible Class & Youth Evangelism Workshop** Program zang diing in New Delhi Khris Saptuam apan in kei leh unaute James leh Siamman October 5, 2022 in Delhi apan in ka kipan khia uhi. Huai ni mah in damtak in Lamka ka tung uh. Lamka a zan khat giak in Tarik 6, ningani zinglam dak 10 vel in Zion Veng Khris Saptuam biakinn mun ah ka kingak khawm masa ua, thumna nei in huai apan in Zion Veng, Seitol, Mission Veng, Delhi leh Kangpokpi apan program sim diing a kisa teng bus khat, car khat leh bolero khat in ka kuan khia ua huchi'n Mualtam apan program sim diingte ka pawtou malam uhi. Singat ah tawl khat khawl in singpi duhte'n singpi dawn in ka kidaitha ua huchi'n program zatna mun diing Phuaizang ka zuannawn leuleu uhi.

Menchip ziak a Phuaizang khosung tan gari a lutsuak theihlouh ziak in gari pai theihna tan ah khotualte'n honna dawn uhi. Huai apan khe a pai in zanpuan leh van liante a thahatlai deuhte'n pua in huchi'n 1Km phalou deuh diing khong khe a ka pai nung un nitaklam dak 2:30 vel in phuaizang khua ka tung uh. Biakinn mun ka zuan masa uhi. Biakin ah khotualte banah unaute Haichin apan mi 6vel leh Ngajang apan unaute piching 2 leh naupang 2 ana om ua huchi'n amaute toh singpi dawmkhawm in thumna nei in khotualte'n ka giahna mun diing chiat uah hon kha uhi.

Ka tun nitak un program kipan ngal a, unaupa Hauminthang, Preacher Zion Veng in "**Kuan unla namchih apan nungzuite bawl un**" chih thupi zang in thugenna hun zang hi. Zingkal an nekma teng in Bible class omden a, hiae hunte ah unaupa Siamman in Nasepte laibu hon sutpih hi. An huan diing midang kiguai ahihman in bubittak in kiteltek gige a nuam theih mahmah. Zing an nekzoh dak 10:30-12:30 tan kikhopna omnawn a, huan nitaklam dak 1:00-3:30 tan workshop kinei hi. Hiae bang in niteng in hun kizang gige hi. Huai kawmkawm in unaute Jamson leh Hauminthang makaih in 10:30am - 4:00pm tan niteng in Saptuam mi hinailoute toh class kinei den hi. Suangphuh khua leh Behiang khua apan in thungai diing in mi 7 hongkuan uhi. Class a tel teng kigawm in mi 16 phazou hi.

A nitawpni, huai tuh Tarik 9, Toupa Ni in unaute Khamsonmung Thomte (17) s/o unaupa Kaizalian, New Lamka leh Thangremsiam (16) s/o unaupa Kamliankhai, Mualtam in khelh ngaihdanna diing in Tuivel lui ah Baptisma tang ua unaupa Hauminthang in tui ah panpih hi. A dangte'n leng a thu ngaihkhiak uh diksa thei mahmah napi'n tu-le-tu a zui diing in hangsanna nei zoulou uhi. I thu sinte uh bel dik thei mahmah in awl in kong kingaihtuah diing uh chi'n amau toh kong kikhen uhi. A chi tuh ei mohpuak ahi a, apousaktu bel Pathian hi ahihman in khatveitei ahong poukhiak lamen hang. Class a tel dia Behiang khua apan hong kuan Zoramthong (80yrs) kilehlou a giak ahihman in nitak chiang in amah toh tutkawm in kihoulim zel hi. Amah hihleh UPC ahih a athugin uh a theihna chiangchiang sumkuang chiangkeih in pang tiltel hi. A tawplam inbel a lungsim buai mahmah hi.

Khotualte leh polam mite simlouh in Phuaizang program sim dia kuan mikhual 50 kival zek hi. Khotualte'n kiginni in paikhawmte nek diing in bawngkhat gou uhi. Khatvei a ka nekgaih zohlouh ziak un a zingchiang tan inleng ka nelai uhi. Program ahihleh buaina omlou in lamzangtak in ka zangzou thei uhi. Toupa Ni nitak in Program bei a, a zing sepatni, October 10, 22 an nekma in hall ka phel ua, huchi'n ana nekzoh kikhen in kong kimangpha khak ua mahni kholam chiat ka zuan uhi. A bukimzaw Kha Namsau a hong kisuah diing ana ngak ni.

**PLACE OF WORSHIP**

Sacred Heart Cathedral,  
Yusuf Sadan, Ashoka Road,  
Delhi - 110001

Phone No. 9953968807  
website : [www.cocdelhi.org](http://www.cocdelhi.org)

**'KHRIS' SUANGPHUM, A WEEKLY BULLETIN FOR  
THE MEMBERS OF THE CHURCH OF CHRIST, DELHI,  
ON THE FIRST DAY OF THE WEEK'**

Enkaitu : Jamson Guite

**BIBLE CLASS****Class**

Adult	: Khenpi, Siamkhanmuan
Inter.	: James & Jamson
Junior	: Ginsuan & Suanlian
Primary	: Minlun & Niangngaihching
Beginner	: Chingkhanlun & Pauliansiam

**Teacher**

**TOUPA NI'  
THILPIAK  
Date 9.10.2022 38,120/-**

**THOUGHT OF THE WEEK**

*Ka tanu aw, ngaikhia inla, ngaihtuah inla, bildoh in; na mite leh na pa inn a mite mangngilh in.  
Sam 45:10-11b*

**BAKNA HUNZEEN****TOUPA' NI**

DATE 23.10.2022

Hun-uk thumna	: Jamson
Lapi	: Chinlunmang
Thilpiak	: Joseph Suantak
Theihgigena	: Janglet
Thugen	: Lang James
Thumna	: Jangthang

**NILAINI VIDEO BIBLE CLASS**

DATE 26.10.2022

Thumna	: Thangzalam
Sinsaktu	: Chuck Horner
Thumna	: Jangthang

**KIGINNI**

DATE 29.10.2022

Hun-uk thumna	: Khamminthang
Lapi	: Siamkhanmuan
Thugen	: Pausuanlian
Thumna	: Chinsuanmung

**TOUPA' NI**

DATE 30.10.2022

Hun-uk thumna	: Khamminthang
Lapi	: Siamkhanmuan
Thilpiak	: Doukhankhual
Theihgigena	: Nekkhothang
Thugen	: Jamson
Thumna	: Lang James

**THU TUAMTUAM****THU TUAMTUAM****ZINGCHIANG DIING HITA**

▀ Tukum a diing a Family meet a nihveina zingchiang diing hita. Tutting in thugenna nihvei om diing a kikupkhawmna hun omlou diing hi. Hun masa ah unaupa Jamson in Khris-tian nupa leh chouna chih thupi gen diing a, hun nihna ah unaupa Lang James in khristian innku-an leh chouna chih thupi gen diing hi. Kuapeuh in ngaih poimoh in tel ngeingei diing in kisa ni. Tuailai lamte leng tel dia lamet ihi toh kiton in a tam theipen kisa ni.

**ZIN LEH TUNG**

▀ Unaupa Richard Doukhankhu-al in kal paita seppatni in sep diing poimoh neihziak in Lamka lam ah honna zinkhiaksan hi. Damleh zing-chiang in hongkik diing hi.

▀ Unaupa Lunsang in suti ni tam-lou a neih ziak in a siamsinna apan in suti hongpai zual hi. Tua i lak ua a om lel laitak ahi.

**THUGENNA KHAHKHIAK HINAWN**

▀ Berean Bible Study Series You-tube channel ah kal masa kiginni in thugenna khat khahkhiak in omnawn hi. Kalnawn chiang in leng khat khah-khiak hinawn diing. I hihtak mahbang un tuahsawn theihnat e ah tuahsawn ni hang. Tanchinhoih puanzakna a i panlak theihna khat ahihdan theih in kilawptak in i pesawn diing uh.

**NGAPLOU UH**

▀ Hitang khosik ziak in unaupa Samuel Pauliansiam nipi kal khat sung vel ngaplov in ana om. Kal paita biaknate ah leng hong kihel zoulou hi. Tun bel ahoihlam hita hi.

▀ Unaunu Ngaimuankim leng hitang khosik ziak mah in ngaplov in ni nihvel ana om hi. Office leng kai ngaplov in ana om mahleh Pathian panpihna toh damnwawnta hi.

**TUAIALAI PROGRAM**

▀ Tuni biakkhawmna zoh chiang in tuaialaite'n unaupa Samuel Thang-doulian inn mun ah tuaialai program nei nawn diing uhi. Tuailaite'n awlmoh in telkim i sawm diing. Hiai bang a hun manphate athawn in mangsak kei ni.

**CHURCH OF CHRIST NEW DELHI****FAMILY MEET-II**

Ani: 24<sup>th</sup> October, 2022

Amun: Yusuf Sadan, C.P.

*Thupi: Khristian innku-an & Chouna*

**Hun khatna**

(11:00am-12:15pm)

Hunvom	: Thangdoulian
Lapi	: Khamminthang
Thugen	: Jamson
Thumna	: Pauminthang

*Singpi dawna : 12:15pm-12:30pm*

*Hun nihna : 12:30pm-1:45pm*

Hunvom	: Jangthang
Lapi	: Siamkhanmuan
Thugen	: Lang James
Thumna	: Nekkhothang

**TUAIALAI PROGRAM**

23.10.2022

Hunkem	: Paumilun
Lapi	: Ginalian
Thugen	: Pauliansiam
Thumna	: Mungmuanlian Lamsuanmung

**Hun Nihna: Pitu - Khamminthang**

**Amun: Thangdoulian inn**